



**Liber Officialis Seu Agendorum Pastoralium S. Trevirensis
Ecclesiæ**

Johann Hugo <Trier, Erzbischof>

Mogvntiæ, 1688

Ordo introducendi puerperam.

[urn:nbn:de:hbz:466:1-75322](https://nbn-resolving.de/urn:nbn:de:hbz:466:1-75322)

His expletis Parochus accipiat pollice de saliva oris sui è manu sinistra tangendo aurem dexteram pueri dicat :

In nomine Patris , & Filii , & Spiritûs Sancti,
Ephpheta, quod est, adaperire :

Et mox tangat nares dicens :

In odorem suavitatis.

Denique tangat aurem sinistram dicens:

Tu autem effugare maledicte Diabole, appro-
pinquabit enim judicium Dei.

Vade in pace **X** fides te salvum (**salvam**) fecit.

Sciat prudens Parochus hunc modum supplendi omissas cæ-
monias ex iis, quæ supra habentur ; accomodare etiam foemellis, &
pluribus unius , vel utriusque sexus, mutatis scilicet generibus, &
numeris. Monentur etiam hic Parochi, ne mulierculas, quæ forsan
non ita urgente necessitate infantem præproperè baptizârunt, seve-
rioribus verbis excipient : inde enim fieri solet , ut tales acerbæ
reprehensiones veritæ vel omittant baptizare parvulos etiam verè
periclitantes ; vel certè de Baptismo à se collato interrogatae præ-
timore redargutionis negent , sicque Sacramentum à Parocho
iteratuim profanetur.

Consultum tamen, & salubriter suadendum, ut Parochus infantes
ab obstetricibus baptizatos, ob errores sæpiissimè committi solitos,
sub conditione semper baptizet sub forma prout supra pag. 19.

NB.

ORDO INTRODUCENDI PUEPERA- RAS POST PARTUM AD ECCLESIAM.

Si quæ puerpera post partum juxta piam , ac laudabilem consue-
studinem ad Ecclesiam venire voluerit pro incolumitate sua
gratias actura, petieritque à Parocho benedictionem ipse super-
pelliceo, & stolâ albâ indutus cum Ministro aspergillum deferente ad
fores Ecclesiæ accedat, ubi illam foris ad limina genuflectentem, &
accensam candelam manu tenentem aquâ benedictâ aspergar,
deinde dicat:

D 2

In

Modus introducendi puereras.

Aspergat te Deus rora celestia gratias.
In nomine Patris , & Filii , & Spiritus Sancti.

- intponat A***Amen.**
*Su***v. Adjutorium nostrum in nomine Domini.**
R. Qui fecit cœlum , & terram.

Psalm. 120.

Levavi oculos meos in montes , unde veniet auxilium mihi.

Auxilium meum à Domino , qui fecit cœlum , & terram.

Non det in commotionem pedem tuum , neque dormitet , qui custodit te.

Ecce non domitabit , neque dormiet , qui custodit Israël.

Dominus custodit te , Dominus protectio tua super manum dexteram tuam.

Per diem sol non uret te , neque luna per noctem.

Dominus custodit te ab omni malo , custodiat animam tuam Dominus.

Dominus custodiat introitum tuum , & exitum tuum ex hoc nunc , & usque in sæculum.

Gloria Patri &c. Sicut erat.

Kyrie eleison. **C**hriste eleison. **K**yrie eleison.

Pater noster &c. Et ne nos inducas.

v. Domine salvam fac ancillam tuam.

v. Deus meus sperantem in te.

v. Mitte ei auxilium de Sancto.

v. Et de Sion tuere eam.

v. Esto ei Domine turris fortitudinis.

v. A facie inimici.

v. Domine exaudi , orationem meam.

v. Et clamor meus ad te veniat.

v. Dominus vobiscum. **v.** Etcum Spiritu tuo.

Orc-

Oremus.

Omnipotens sempiterne Deus, Majestatem tuam supplices exoramus, ut sicut unigenitus tuus cum nostræ carnis substantia in templo est præsentatus, ita facias hanc famulam purificatâ tibi mente præsentari, per eundem **CHRISTUM** Dominum nostrum. Amen.

Deinde Parochus mulieri portigens extremam stolæ partem
cam introducit dicens :

Ingredere in templum DEI, adora Filium
B. Mariæ Virginis, qui tibi fœcunditatem tribuit
prolis.

Si celebretur missa, quæ erit occurrentis diei, vel votiva juxta
mulieris devotionem, & aptissima de festo Purificationis B. Mariæ,
quæ incipit: Suscepimus. Tum eâ finitâ Parochus eam dimittet in
pace dicendo post Evangelium S. Joannis in missâ lectum, porrigens
mulieri librum deosculandum:

Per hæc Evangelica dicta deleantur universa
tua crimina, & delicta.

Oremus.

Benedictio Dei Patris, & Filii **¶** & Spiritûs S.
descendat super vos, & maneat semper. Amen.

Si verò non celebretur missa, tum Sacerdos veniens ad
altare dicat :

V. Dominus vobiscum. **Ez.** Et cum Spiritu tuo.

In initium S. Evangelii secundum Joannem.

In principio erat Verbum, & Verbum erat apud Ioan. i.
Deum, & DEUS erat Verbum. Hoc erat in
D 3 prin-

Modus introducendi puerperas.

principio apud Deum: omnia per ipsum facta sunt,
 & sine ipso factum est nihil, quod factum est. In
 ipso vita erat, & vita erat lux hominum, & lux in
 tenebris lucet, & tenebræ eam non comprehende-
 runt. Fuit homo missus à Deo, cui nomen erat
 Joannes. Hic venit in testimonium, ut testimo-
 nium perhiberet de lumine, ut omnes crederent
 per illum. Non erat ille lux, sed ut testimonium
 perhiberet de lumine. Erat lux vera, quæ illuminat
 omnem hominem venientem in hunc mundum.
 In mundo erat, & mundus per ipsum factus est, &
 mundus eum non cognovit. In propria venit, &
 sui eum non receperunt. Quotquot autem rece-
 perunt eum, dedit eis potestatem filios Dei fieri,
 his, qui credunt in nomine ejus; qui non ex sangu-
 nibus, neque ex voluntate carnis, neq; ex voluntate
 viri, sed ex DEO nati sunt. **ET VERBUM**
CARO FACTUM EST, & habitavit in
 nobis (& vidimus gloriam ejus, gloriam quasi
 unigeniti à Patre) plenum gratiæ, & veritatis.

Deinde det ei librum ad osculandum, & dicat:

Per hæc Evangelica dicta deleantur universa
 tua crimina, & delicta.

Oremus.

Benedictio Dei Patris, & Filii  & Spiritus S.
 descendat super vos, & maneat semper. Amen.

Si

*Si contigerit , Mulierem certo tempore à purificatione , ad-
versâ valetudine, impediri ; differat purificatio, donec, utcunque
restituta, in Ecclesiam ingredi possit; etiamsi mortis imminet peri-
culum: quia purificatio extra facienda non est; neque substituenda
alia Mulier purificanda in locum defunctæ puerperæ. Si quæ verò
peperit prolem illegitimam, ea non introducatur per Sacerdotem,
sed sola ingrediatur.*

*Gavant.
in Encbr.
Episcop.
V. Bapt.
n. 28.*

DE SACRAMENTO CONFIRMATIONIS.

In quo à Parochis populus instruendus?

Quoniam ij , qui per Baptismum Christiani facti , sunt adhuc
imbecilli, & in spirituali certamine viriliter pugnare nequeunt;
Christi tamen Sacramento , quo Spiritus S. in corda fide-
lium se infundit, in gratiâ corroborantur, & tanquam fortis Christi
milites adversus omnes carnis, mundi, & Diaboli impetus armantur ;
ob eam causam Sacramentum hoc Confirmationis appellatur. Et licet
ritus , quo administrari solet, ex Pontificali Rom. peti debeat, cum
juxta SS. Trident. Conc. doctrinam solus Episcopus sit ejusdem
ordinarius Minister; tamen hac in re Parochos officii sui admonen-
dos judicavimus : idcirco omnia , quæ ab eisdem de institutione,
natura, dignitate, effectu, & suscipientibus hoc Sacramentum, tem-
pore competenti proponenda , & explicanda sunt, ex Catechismo
potissimum Romano, & aliis probatis Doctoribus excerpta, prout
nuper delegatae à Nobis ejusdem Sacramenti administrationis tem-
pore desuper requisiti , editâ in typo brevi instructione, ad quorun-
dam Parochorum majorem promptitudinem subnectere placuit.

CAPUT I.

De institutione Confirmationis, & quid sit?

§. 1.

Christus instituit Confirmationem.

Sicut enim Salvator noster in die Pentecostes Apostolos suos
gratiâ S. Spiritûs, methodo speciali , formâ visibili confortare *Act. 2. c.*
voluit, ut fidem eò constantiores profiterentur; ita etiam voluit
ordi-